

列無極天真自往還

示門人二首

特爲同流指勝緣始終如一志常堅清閑暗使眞眞濟飽暖須  
教事事蠲更向人間爲實行還同火裏長青蓮雲霞引步朝元  
去功滿三千及大千  
一切高明共結緣沈沈苦海種金蓮出塵香艷離諸穢照體光  
明射九天開闡從初眞道眼修成無上大羅仙騰今跨古眞靈  
性了了都無一法傳

仙境

仙境巍巍世莫猜滿空異馥雜瓊埃霓旌絳節朝金闕羽蓋雲  
道藏輯要

雲光集

五

胃集九

旗映寶臺三界聖眞同際會五方童子久徘徊古今不改誰能  
見除是通靈道眼開

全眞

我師弘道立全眞始遇純陽得秘文性滿虛空凝皓彩丹成表  
裏結祥雲頓超法界留玄教傳化人天贊聖君救拔羣生諸苦  
難自然寰海普知聞

遇師傳授

我嘗遭遇活神仙的養靈明透碧天心入絳宮冥照耀氣嘯丹  
鼎自迴旋形神俱妙煙霞鎖動靜都忘性命全普願塵寰通此  
理一時同泛渡人船